

素問

漢書門			
二	九	七	二
八	七	七	二
冊	架	函	號

內閣文庫			
二	九	七	二
八	七	七	二
架	冊	號	類

內閣文庫			
番號	漢	11072	
冊數	8 (7)		
函號	300	144	

十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



信世内親王
貞安問曰
知公久矣
今未全明
伊上于合
勿承其政
下其問也
人其問也
伊上于合
勿承其政
下其問也
人其問也

Blank page with faint horizontal lines.

黃帝內經素問卷之十一

六元正紀大論篇七十一

黃帝問曰六化六變勝復淫治甘苦辛鹹酸淡先後余

知之矣夫五運之化或從五氣五氣疑作天氣或逆天氣或從

天氣而逆地氣或從地氣而逆天氣或相得或不相得

余未能明其事欲通天之紀從地之理和其運調其化



使上下合德無相奪倫天地升降不失其宜五運宣行

勿乖其政調之正味從逆柰何岐伯稽首再拜對曰昭

乎哉問也此天地之綱紀變化之淵源非聖帝孰能窮

其至理歟臣雖不敏請陳其道令終不滅久而不易帝

曰願夫子推而次之從其類序分其部主別其宗司



其氣數明其正化可得聞乎歧伯曰先立其年以明其氣金木水火土運行之數寒暑燥濕風火臨御之化則天道可見民氣可調陰陽卷舒近而無惑數之可數者請遂言之帝曰太陽之正柰何歧伯曰辰戌之紀也

太陽 大角 太陰 壬辰 壬戌 其運風其化鳴

紊啓折 其變振拉摧拔 其病眩掉目瞑

大角初正 少徵 大宮 少商 大羽終

太陽 大徵 太陰 戊辰 戊戌同正徵 其運熱

其化暄暑鬱燠 其變炎烈沸騰 其病熱鬱

大徵 少宮 大商 少羽終 少角初

太陽 大宮 太陰 甲辰歲會 甲戌歲會 其運

陰埃 其化柔潤重澤 其變震驚飄驟 其病濕

下重

大宮 少商 大羽終 大角初 少徵

太陽 大商 太陰 庚辰 庚戌 其運涼其化霧

露蕭颯 其變肅殺凋零 其病燥背脊骨滿

大商 少羽終 少角初 大徵 少宮

太陽 大羽 太陰 丙辰天符 丙戌天符 其運

寒 其化凝慘溼冽 其變冰雪霜電 其病大寒

留於谿谷

大羽終 大角 少徵 大宮 少商

凡此太陽司天之政氣化運行先天天氣肅地氣靜寒

臨太虛陽氣不令水土合德上應辰星鎮星其穀玄麩
其政肅其令徐寒政大舉澤無陽燄則火發待時少陽
中治時雨乃涯止極雨散還於太陰雲朝北極濕化迺
布澤流萬物寒敷于上雷動于下寒濕之氣持於氣交
民病寒濕發肌肉萎足萎不收濡寫血溢初之氣地氣
遷氣迺大溫草迺早榮民迺厲溫病迺作身熱頭痛嘔
吐肌腠瘡瘍二之氣大涼反至民迺慘草迺遇寒火氣
遂抑民病氣鬱中滿寒迺始三之氣天政布寒氣行雨
迺降氣病寒反熱中癰疽注下心熱瞽悶不治者死四
之氣風濕交爭風化為雨迺長迺化迺成民病大熱少
氣肌肉萎足萎注下赤白五之氣陽復化草迺長迺化

迺成民迺舒終之氣地氣正濕令行陰凝大虛埃昏郊

野民迺慘悽寒風以至反者孕迺死故歲宜苦以燥之

溫之以上九字當在避虛邪以安其正之下必折其鬱氣先資其化原抑

其運氣扶其不勝無使暴過而生其疾食歲穀以全其

真避虛邪以安其正適氣同異多少制之同寒濕者燥

熱化異寒濕者燥濕化用寒遠寒用涼遠涼用溫遠溫

用熱遠熱食宜同法有假者反常反是者病所謂時也

帝曰善陽明之政奈何岐伯曰卯酉之紀也

陽明 少角 少陰 清熱勝復同同正商 丁卯歲

會 丁酉 其運風清熱

少角初大徵 少宮 大商 少羽終

陽明 少徵 少陰 寒雨勝復同同正商 癸卯

癸酉 其運熱寒雨

少徵 大宮 少商 大羽終 大角初

陽明 少宮 少陰 風涼勝復同 巳卯 巳酉

其運雨風涼

少宮 大商 少羽終 少角初 大徵

陽明 少商 少陰 熱寒勝復同同正商 乙卯天

符 乙酉歲會大一天符 其運涼熱寒

少商 大羽終 大角初 少徵 大宮

陽明 少羽 少陰 雨風勝復同 辛卯少宮同

辛酉 辛卯其運寒雨風

少羽終 少角初 大徵 大宮 大商

凡此陽明司天之政氣化運行後天天氣急地氣明陽專其令炎暑大行物燥以堅淳風迺洽風燥橫運流於氣交多陽少陰雲趨雨府濕化迺敷燥極而澤其穀白丹間穀命大者其耗白甲品羽金火合德上應太白熒惑其政切其令暴蟄蟲迺見流水不冰民病欬噎塞寒熱發暴振慄癢悶清先而勁毛蟲迺死熱後而暴介蟲迺殃其發暴勝復之作擾而大亂清熱之氣持於氣交初之氣地氣遷陰始凝氣始肅水迺冰寒雨化其病中熱脹面目浮腫善眠飢衄嘔欠嘔小便黃赤甚則淋二之氣陽迺布民迺舒物迺生榮厲大至民善暴死三之

氣天政布涼迺行燥熱交合燥極而澤民病寒熱四之
氣寒雨降病暴什振慄譖妄少氣嗑乾引飲及爲心痛
癰腫瘡瘍瘧寒之疾骨痿血便五之氣春令反行草迺
生榮民氣和終之氣陽氣布候反溫蟄蟲來見流水不
冰民迺康平其病溫故食歲穀以安其氣食間穀以去
其邪歲宜以鹹以苦以辛汗之清之散之安其運氣無
使受邪折其鬱氣資其化源以寒熱輕重少多其制同
熱者多天化同清者多地化用涼遠涼用熱遠熱用寒
遠寒用溫遠溫食宜同法有假者反之此其道也反之
者亂天地之經擾陰陽之紀也帝曰善少陽之政柰何
歧伯曰寅申之紀也

少陽 大角 厥陰 壬寅 壬申 其氣風鼓 其

化鳴紊啓折 其變振拉摧拔 其病掉眩支脇驚

駭

大角初正 少徵 大宮 少商 大羽終

少陽 大徵 厥陰 戊寅天符 戊申天符 其運

暑 其化暄鬱鬱燠 其變炎烈沸騰 其病上熱

鬱血溢血泄心痛

大徵 少宮 大商 少羽終 少角初

少陽 大宮 厥陰 甲寅 甲申 其運陰雨 其

化柔潤重澤 其變震驚飄驟 其病體重肘腫痞

飲

大宮 少商 大羽終 大角初 少徵

少陽 大商 厥陰 庚寅 庚申 同正商 其運

涼 其化霧露清切 其變蕭殺凋零 其病肩背

胷中

大商 少羽終 少角初 大徵 少宮

少陽 大羽 厥陰 丙寅 丙申 其運寒肅 其

化凝慘凜冽 其變冰雪霜雹 其病寒浮腫

大羽終 大角初 少徵 大宮 少商

凡此少陽司天之政氣化運行先天天氣正地氣擾風
迺暴舉木偃沙飛炎火迺流陰行陽化雨迺時應火木
同德上應熒惑歲星其穀丹蒼其政嚴其令擾故風熱

參布雲物沸騰大陰橫流寒迺時至涼雨並起民病寒
中外發瘡瘍內為泄漏故聖人遇之和而不爭往復之
作民病寒熱瘧泄聾瞑嘔吐上怫音佛腫色變初之氣地
氣遷風勝迺搖寒迺去候迺大溫草木早榮寒來不殺
溫病迺起其病氣怫於上血溢目赤欬逆頭痛血崩脇
滿膚腠中瘡二之氣火反鬱白埃四起雲趨雨府風下
勝濕雨迺零民迺康其病熱鬱於上欬逆嘔吐瘡發於
中胃嗌不利頭痛身熱昏憤膿瘡三之氣天政布炎暑
至少陽臨上雨迺涯民病熱中聾瞑血溢膿瘡欬嘔孰
衄渴嚏欠喉痺目赤善暴死四之氣涼迺至炎暑間化
白露降民氣和平其病滿身重五之氣陽迺去寒迺來

雨迺降氣門迺閉剛木早凋民避寒邪君子周密終之
 氣地氣正風迺至萬物反生霧音夢之霧音務以行其病關閉
 不禁心痛陽氣不藏而欬抑其運氣音務所不勝必折其
 鬱氣先取化源暴過不生苛疾不起故歲宜鹹宜辛宜
 酸滲之泄之漬之發之觀氣寒温以調其過同風熱者
 多寒化異風熱者少寒化用熱遠熱用温遠温用寒遠
 寒用涼遠涼食宜同法此其道也有假者反之反是者
 病之階也帝曰善太陰之政奈何岐伯丑未之紀也
 太陰 少角 太陽 清熱勝復同 同正宮 丁丑

丁未 其運風清熱

少角初正大徵 少宮 大商 少羽終

太陰 少徵 太陽 寒雨勝復同 癸丑 癸未

其運熱寒雨

少徵 太宮 少商 大羽終 大角

太陰 少宮 太陽 風清勝復同 同正宮 巳丑

大一天符 巳未大一天符 其運風雨清

少宮 大商 少羽終 少角初 大徵

太陰 少商 太陽 熱寒勝復同 乙丑 乙未

其運涼熱寒

少商 大羽終 大角初 少徵 大宮

太陰 少羽 太陽 雨風勝復同 同正宮 辛丑

辛未 其運寒雨風

少羽^終少角^初大徵 少宮 大商

允此太陰司天之政氣化運行後天陰專其政陽氣退
辟大風時起天氣下降地氣上騰原野昏霧白埃四起
雲奔南極寒雨數至物成於差夏民病寒濕腹滿身臃
憤附腫痞逆寒厥拘急濕寒合德黃黑埃昏流行氣交
上應鎮星辰星其政肅其令寂其穀斡玄故陰凝於上
寒積於下寒水勝火則為冰電陽光不治殺氣迺行故
有餘宜高不及宜下有餘宜晚不及宜早土之利氣之
化也民氣亦從之間穀命其大也初之氣地氣遷寒迺
去春氣至風迺來生布萬物以榮民氣條舒風濕相薄
雨迺後民病血溢筋絡拘強關節不利身重筋痿二之

氣大火正物承化民迺和其病溫厲大行遠近咸若濕
蒸相薄雨迺時降三之氣天政布濕氣降地氣騰雨迺
時降寒迺隨之感於寒濕則民病身重附腫胃腹滿四
之氣畏火臨溽蒸化地氣騰天氣否隔寒風曉暮蒸熱
相薄草木凝煙濕化不流則白露陰布以成秋令民病
腠理熱血暴溢瘧心腹滿熱臃脹甚則附腫五之氣慘
令已行寒露下霜迺早降草木黃落寒氣及體君子周
密民病皮腠終之氣寒大舉濕大化霜迺積陰迺凝水
堅水陽光不治感於寒則病人關節禁固腰膝痛寒濕
持於氣交而為疾也必折其鬱氣而取化源益其歲氣
無使邪勝食歲穀以全其真食間穀以保其精故歲宜

以苦燥之温之甚者發之泄之不發不泄則濕氣外溢
肉潰皮折而水血交流必贊其陽火令禦甚寒從氣異
同少多其判也同寒者以熱化同濕者以燥化異者少
之同者多之用涼遠涼用寒遠寒用温遠温用熱遠熱
食宜同法假者反之此其道也反是者病也帝曰善少
陰之政柰何岐伯曰子午之紀也

少陰 大角 陽明 壬子 壬午 其運風鼓 其

化鳴紊啓折 其變振拉摧拔 其病支滿

大角 初正 少徵 大宮 少商 大羽 終

少陰 大徵 陽明 戊子天符 戊午大一天符

其運炎暑 其化暄曜鬱燠 其變炎烈沸騰 其

病上熱血溢

大徵 少宮 大商 少羽 終 少角 初

少陰 大宮 陽明 甲子 甲午 其運陰雨 其

化柔潤時雨 其變震驚飄驟 其病中滿身重

大宮 少商 大羽 終 大角 初 少徵

少陰 大商 陽明 庚子 庚午 同正商 其運

涼勁 其化霧露蕭颯 其變肅殺凋零 其病下

清

大商 少羽 少角 初 大徵 少宮

少陰 大羽 陽明 丙子歲會 丙午 其運寒

其化凝慘凜冽 其變冰雪霜雹 其病寒下

其化凝慘凜冽

其變冰雪霜雹

其病寒下

大羽

終

大角

初

少徵

大宮

少商

凡此少陰司天之政氣化運行先天天地氣肅天氣明
寒交暑熱加燥雲馳雨府濕化迺行時雨迺降金火合
德上應熒惑太白其政明其令切其穀丹白水火寒熱
持於氣交而為病始也熱病生於上清病生於下寒熱
凌犯而爭於中民病欬喘血溢血泄軌嚏目赤眚瘍寒
厥入胃心痛腰痛腹大嗑乾腫上初之氣地氣遷燥將
去寒迺始熱復藏水迺冰霜復降風迺至陽氣鬱民反
周密關節禁固腰脰痛炎暑將起中外瘡瘍二之氣陽
氣布風迺行春氣以正萬物應榮寒氣時至民迺和其

病淋目瞑目赤氣鬱於上而熱三之氣天政布大火行
庶類蕃鮮寒氣時至民病氣厥心痛寒熱更作欬喘目
赤四之氣溽暑至大雨時行寒熱互至民病寒熱嗑乾
黃痺軌衄飲發五之氣畏火臨暑反至陽迺化萬物迺
生迺長榮民迺康其病溫終之氣燥令行餘火內格腫
於上欬喘甚則血溢寒氣數舉則霧露翳病生皮膚內
舍於脇下連少腹而作寒中地將易也必抑其運氣資
其歲勝折其鬱發先取化源無使暴過而生其病也食
歲穀以全真氣食間穀以辟虛邪歲宜醎以奠之而調
其上甚則以苦發之以酸收之而安其下甚則以苦泄
之適氣同異而多少之同天氣者以寒清化同地氣者

以溫熱化用熱遠熱用涼遠涼用溫遠溫用寒遠寒食
宜同法有假則反此其道也作是者病作矣帝曰善厥
陰之政柰何岐伯曰巳亥之紀也

厥陰 少角 少陽 清熱勝復同 同正角 丁巳

天符 丁亥天符 其運風清熱

少角正初大徵 少宮 大商 少羽終

厥陰 少徵 少陽 寒雨勝復同 癸巳 癸亥

其運熱寒雨

少徵 大宮 少商 大羽終大角初

厥陰 少宮 少陽 風清勝復同 同正角 巳巳

巳亥 其運雨風清

少宮 大商 少羽終少角初大徵

厥陰 少商 少陽 熱寒勝復同 同正角 乙巳

乙亥 其運涼熱寒

少商 大羽終大角初少徵 大宮

厥陰 少羽 少陽 雨風勝復同 辛巳 辛亥

其運寒雨風

少羽終少角初大徵 少宮 大商

凡此厥陰司天之政氣化運行後天諸同正歲氣化運
行同天天氣擾地氣正風生高遠炎熱從之雲趨雨府
濕化迺行風火同德上應歲星熒惑其政撓其令速其
穀倉丹間穀言大者其耗文角品羽風燥火熱勝復更

作蟄虫來見流水不冰熱病行於下風病行於上風燥
勝復形於中初之氣寒始肅殺氣方至民病寒於右之
下二之氣寒不去華雪水冰殺氣施化霜迺降名草上
焦寒雨數至陽復化民病熱於中三之氣天政布風迺
時舉民病泣出耳鳴掉眩四之氣溽暑濕熱相薄爭於
左之上民病黃瘰而爲胗腫五之氣燥濕更勝沈陰迺
布寒氣及體風雨迺行終之氣畏火司令陽迺大化蟄
蟲出見流水不冰地氣大發草迺生人迺舒其病溫厲
必折其鬱氣資其化源贊其運氣無使邪勝歲宜以辛
調上以鹹調下畏火之氣無妄犯之用溫遠溫用熱遠
熱用涼遠涼用寒遠寒食宜同法有假反常此之道也

反是者病帝曰善夫子言可謂悉矣然何以明其應乎
歧伯曰昭乎哉問也夫六氣者行有次止有位故常以
正月朔日平旦視之觀其位而知其所在矣運有餘其
至先運不及其至後此天之道氣之常也運非有餘非
不足是謂正歲其至當其時也帝曰勝復之氣其常在
也災眚時至候也柰何歧伯曰非氣化者是謂災也帝
曰天地之數終始柰何歧伯曰悉乎哉問也是明道也
數之始起於上而終於下歲半之前天氣主之歲半之
後地氣主之上下交互氣交主之歲紀畢矣故曰位明
氣月可知乎所謂氣也帝曰余司其事則而行之不合
其數何也歧伯曰氣用有多少化洽有盛衰衰盛多少

同其化也帝曰願聞同化何如歧伯曰風溫春化同熱
曛昏火真化同勝與復同燥清煙露秋化同雲雨昏暝
埃長夏化同寒氣霜雪水冬化同此天地五運六氣之
化更用衰盛之常也帝曰五運行同天化者命曰天符
余知之矣願聞同地化者何謂也歧伯曰大過而同天
化者三不及而同天化者亦三大過而同地化者三不
及而同地化者亦三此九二十四歲也帝曰願聞其所
謂也歧伯曰甲辰甲戌大宮下加太陰壬寅壬申太角
下加厥陰庚子庚午大商下加陽明如是者三癸巳癸
亥少徵下加少陽辛丑辛未少羽下加太陽癸卯癸酉
少徵下加少陰如是者三戊子戊午太徵上臨少陰戊

寅戌申大徵上臨少陽丙辰丙戌大羽上臨太陽如是
者三丁巳丁亥少角上臨厥陰乙卯乙酉少臨陽明巳
丑巳未少宮上臨太陰如是者三除此二十四歲則不
加不臨也帝曰加者何謂歧伯曰大過而加同天符不
及而加同歲會也帝曰臨者何謂歧伯曰大過不及皆
曰天符而變行有多少病形有微甚生死有早晏耳帝
曰夫子言用寒遠寒用熱遠熱余未知其然也願聞何
謂遠歧伯曰熱無犯熱寒無犯寒從者和逆者病不可
不敬畏而遠之所謂時與六位也帝曰溫涼何如歧伯
曰司氣以熱用熱無犯司氣以寒用寒無犯司氣以涼
用涼無犯司氣以溫用溫無犯間氣同其主無犯異其

主則小犯之是謂四畏民謹察之帝曰善其犯者何如
岐伯曰天氣反時則可依時及勝其主則可犯以平為
期而不可過是為邪氣反勝者故曰無失天信無逆氣
宜無翼其勝無替其復是為至治帝曰善五運氣行主
歲之紀其有常數乎岐伯曰臣請次之

甲子 甲午歲

上少陰火 中大宮土運 下陽明金 熱化二

雨化五 燥化四 所謂正化日也 其化上鹹寒

中苦熱下酸熱所謂藥食宜也

乙丑 乙未歲

上太陰土 中少商金運 下太陽水 熱化 寒

化勝復同 所謂邪氣化日也 災七宮 濕化五

清化四 寒化六 所謂正化日也 其化上苦

熱中酸和下甘熱所謂藥食宜也

丙寅 丙申歲

上少陽相火 中大羽水運 下厥陰木 火化二

寒化六 風化三 所謂正化日也 其化上鹹

寒中鹹溫下辛溫所謂藥食宜也

丁卯 歲 丁酉歲

上陽明金 中少角木運 下少陰火 清化 熱

化勝復同 所謂邪氣化日也 災三宮 燥化九

風化三 熱化七 所謂正化日也 其化上苦

小温中辛和下鹹寒所謂藥食宜也

戊辰 戊戌歲

上太陽水 中大徵火運 下大陰土 寒化六

熱化七 濕化五 所謂正化日也 其化上苦温

中甘和下甘温所謂藥食宜也

巳巳 巳亥歲

上厥陰木 中少宮土運 下少陽相火 風化

清化勝復同 所謂邪氣化日也 災五宮 風化

三 濕化五 火化八 所謂正化日也 其化上

辛凉中甘和下鹹寒所謂藥食宜也

庚午符同天 庚子符同天歲

上少陰火 中大商金運 下陽明金 熱化七

清化九 燥化九 所謂正化日也 其化上鹹寒

中辛温下酸温所謂藥食宜也

辛未符同歲 辛丑符同歲歲

上太陰土 中少羽水運 下太陽水雨化 風化

勝復同 所謂邪氣化日也 災一宮 雨化五

寒化一 所謂正化日也 其化上苦熱中苦和下

苦熱所謂藥食宜也

壬申符同天 壬寅符同天歲

上少陽相火 中大角木運 下厥陰木 火化二

風化八 所謂正化日也 其化上鹹寒 甲酸

和下辛涼所謂藥食宜也

癸酉同歲會 癸卯同歲會

上陽明金 中少徵火運 下少陰火 寒化 雨

化勝復同所謂邪氣化日也 災九宮 燥化九

熱化二 所謂正化日也 其化上苦小溫一本作上苦熱

中鹹溫下鹹寒所謂藥食宜也

甲戌歲會同天符 甲辰歲會同天符

上太陽水 中大宮土運 下太陰土 寒化六

濕化五 所謂正化日也 其化上苦熱 中苦溫

所謂藥食宜也

乙亥 乙巳歲

上厥陰木 中少商金運 下少陽相火 熱化

寒化勝復同 所謂邪氣化日也 災七宮 風化

八 清化四 火化二 正化度也 其化上辛涼

中酸和下鹹寒藥食宜也

丙子歲會 丙午歲

上少陰火 中大羽水運 下陽明金 熱化二

寒化六 清化四 正化度亦謂日也 其化上鹹寒

中鹹熱下酸溫藥食宜也

丁丑 丁未歲

上太陰土 中少角木運 下太陽水 清化 熱

化勝復同 邪氣化度也 災三宮 雨化五 風

化三 寒化一 正化度也 其化上苦温中辛温
下甘熱藥食宜也

戊寅符天戊申符天歲

上少陽火 中大徵火運 下厥陰木 火化二

風化三 正化度也 其化上鹹寒中甘和下新涼

藥食宜也

巳卯 巳酉歲

上陽明金 中少宮土運 下少陰火 風化 清

化 勝復同 邪氣化度也 災五官 清化九

雨化五 熱化七 正化度也 其化上苦小温中

甘和下鹹寒藥食宜也

庚辰 庚戌歲

上太陽水 中大商金運 下太陰土 寒化一

清化九 雨化五 正化度也 其化上苦熱中辛

温下甘熱藥食宜也

辛巳 辛亥歲

上厥陰木 中少羽水運 下少陽相火 雨化

風化勝復同 邪氣化度也 災一宮 風化三

寒化一 火化二 正化度也

壬午 壬子歲

上少陰火 中大角木運 下陽明金 熱化二

風化八 清化四 正化度也 其化上鹹寒中酸

涼下酸溫藥食宜也

癸未 癸丑歲

上太陰土 中少徵火運 下太陽水 寒化 雨

化勝復同 邪氣化度也 災九宮 雨化五 火

化二 寒化一 正化度也 其化上苦溫中鹹溫

下甘熱藥食宜也

甲申 甲寅歲

上少陽相火 中大宮土運 下厥陰木 火化二

雨化五 風化八 正化度也 其化上鹹寒中

鹹和下辛涼藥食宜也

乙酉 太一 乙卯歲 天符

上陽明金 中少商金運 下少陰火 熱化 寒

化勝復同 邪氣化度也 災七宮 燥化四 清

化四 熱化二 正化度也 其化上苦小溫中苦

和下鹹寒藥食宜也

丙戌 天符 丙辰歲 天符

上太陽水 中大羽水運 下太陰土 寒化六

雨化五 正化度也 其化上苦熱中鹹溫下甘熱

藥食宜也

丁亥 天符 丁巳歲 天符

上厥陰木 中少角木運 下少陽相火 清化

熱化勝復同 邪氣化度也 災三宮 風化三

火化七 正化度也 其化上辛涼中辛和下鹹寒
藥食宜也

戊子 天符 戊午歲 太二天符

上少陰火 中大徵火運 下陽明金 熱化七
清化九 正化度也 其化上鹹寒中甘寒下酸溫
藥食宜也

巳丑 太一天符 巳未歲 太一天符

上太陰土 中少宮土運 下太陽水 風化 清
化勝復同 邪氣化度也 災五宮 雨化五 寒
化一 正化度也 其化上苦熱中甘和下甘熱藥
食宜也

庚寅 庚申歲

上少陽相火 中大商金運 下厥陰木 火化七
清化九 風化三 正化度也 其化上鹹寒中
辛溫下辛涼藥食宜也

辛卯 辛酉歲

上陽明金 中少羽水運 下少陰火 雨化 風
化勝復同 邪氣化度也 災一宮 清化九 寒
化一熱化七 正化度也 其化上苦小溫中苦和
下鹹寒藥食宜也

壬辰 壬戌歲

上太陽水 中大角木運 下太陰土 寒化六

風化八 雨化五 正化度也 其化上苦溫中酸

和下甘溫藥食宜也

癸巳同歲會 癸亥同歲會

上厥陰木 中少徵火運 下少陽相火 寒化

雨化勝復同 邪氣化度也 災九宮 風化八

火化二 正化度也 其化上辛涼中鹹和下鹹寒

藥食宜也

凡此定期之紀勝復正化皆有常數不可不察故知其
要者一言而終不知其要流散無窮此之謂也帝曰善
五運之氣亦復歲乎岐伯曰鬱極迺發待時而作也帝
曰請問其所謂也岐伯曰五常之氣大過不及其發異

也帝曰願卒聞之岐伯曰大過者暴不及者徐暴者為
病甚徐者為病持帝曰大過不及其數何如岐伯曰大
過者其數成不及者其數生土常以生也帝曰其發也
何如岐伯曰土鬱之發巖谷震驚雷殷氣交埃昏黃黑
化為白氣飄驟高深擊石飛空洪水迺從川流漫衍田
牧土駒化氣迺敷善為時雨始生始長始化始成故民
病心腹脹腸鳴而為數後甚則心痛脇臑嘔吐霍亂飲
發注下肘腫身重雲奔雨府震擁朝陽山澤埃昏其迺
發也以其四氣雲橫天山浮遊生滅佛之先兆金鬱之
發天潔地明氣清氣切大涼迺舉草樹浮煙燥氣以行
霜霧數起殺氣來至草木蒼乾金迺有聲故民病效逆

心脇滿引少腹善暴痛不可反側嗑乾面陳色惡山澤
焦枯土凝霜鹵怫迺發也其氣五夜零白露林莽聲悽
怫之兆也水鬱之發陽氣迺辟陰氣暴舉大寒迺至川
澤嚴凝寒零結爲霜雪甚則黃黑昏翳流行氣交迺爲
霜殺水迺見祥故民病寒客心痛腰腫痛大關節不利
屈伸不便善厥逆痞堅腹滿陽光不治空積沈陰白埃
昏暝而迺發也其氣二火前後大虛深玄氣猶麻散微
見而隱色黑微黃怫之先兆也木鬱之發大虛埃昏雲
物以擾大風迺至屋發折木木有變故民病胃脘當心
而痛上支兩脇鬲咽不通食飲不下甚則耳鳴眩轉目
不識人善暴僵仆太虛蒼埃天山一色或爲濁色黃黑

鬱若橫雲不起雨而迺發也其氣無常長川草偃柔葉
呈陰松吟高山虎嘯巖岫怫之先兆也火鬱之發大虛
腫翳大明不彰炎火行大暑至山澤燔燎材木流津廣
夏騰煙土浮霜鹵止水迺滅蔓草焦黃風行惑言濕化
迺後故民病少氣瘡瘍癰腫脇腹背面首四支臏憤
臙脹瘍怫嘔逆瘵瘵骨痛節迺有動注下溫瘧腹中暴
痛血溢流注精液迺少日赤心熱甚則瞽悶懊懣善暴
死刻終大溫汗濡玄府其迺發也其氣四動復則靜陽
極反陰濕令迺化迺成華發水凝山川冰雪焰陽午澤
怫之先兆也有怫之應而後報也皆觀其極而迺發也
本發無時水隨火也謹候其時病可與期失時反歲五

氣不行生化收藏政無恒也帝曰水發而雹雪土發而
飄驟木發而毀折金發而清明火發而曠味何氣使然
歧伯曰氣有多少發有微甚微者當其氣甚者兼其下
微其下氣而見可知也帝曰善五氣之發不當位者何
也歧伯曰命其差帝曰差有數乎歧伯曰後皆三十度
而有奇也帝曰氣至而先後者何歧伯曰運大過則其
至先運不及則其至後此候之常也帝曰當時而至者
何也歧伯曰非大過非不及則至當其時是者善也帝
曰善氣有非時而化者何也歧伯曰大過者當其時不
及者歸其已勝也帝曰四時之氣至有早晏高下左右
其候何如歧伯曰行有逆順至有遲速故大過者化先

天不及者化後天帝曰願聞其行何謂也歧伯曰春氣
西行夏氣北行秋氣東行冬氣南行故春氣始於下秋
氣始於上夏氣始於中冬氣始於標春氣始於左秋氣
始於右冬氣始於後夏氣始於前此四時正化之常故
至高之地冬氣常在至下之地春氣常在必謹察之帝
曰善黃帝問曰五運六氣之應見六化之正六變之紀
何如歧伯對曰夫六氣正紀有化有變有勝有復有用
有病不同其候帝欲何乎帝曰願盡聞之歧伯曰請遂
言之夫氣之所至也厥陰所至為和平少陰所至為暄
太陰所至為埃濇少陽所至為炎暑陽明所至為清勁
太陽所至為寒霧時化之常也厥陰所至為風府為壘

文運 啓少陰所至為大火府為舒榮太陰所至為雨府
為首盈少陽所至為熱府為行出陽明所至為司殺府
為庚蒼太陽所至為寒府為歸藏司化之常也厥陰所
至為生為風搖少陰所至為榮為形見太陰所至為化
為雲雨少陽所至為長為蕃鮮陽明所至為收為霧露
太陽所至為藏為周密氣化之常也厥陰所至為風生
終為肅少陰所至為熱生中為寒太陰所至為濕生終
為注雨少陽所至為火生終為蒸溽陽明所至為燥生
終為涼太陽所至為寒生中為溫德化之常也厥陰所
至為毛化少陰所至為羽化太陰所至為倮化少陽所
至為雨化陽明所至為介化太陽所至為鱗化德化之

常也厥陰所至為生化少陰所至為榮化太陰所至為
濡化少陽所至為茂化陽明所至為堅化太陽所至為
藏化布政之常也厥陰所至為飄怒大涼少陰所至為
大暄寒太陰所至為雷霆驟注烈風少陽所至為飄風
燔燎霜凝陽明所主為散落溫太陽所至為寒雪冰雹
白埃氣變之常也厥陰所至為撓動為迎隨少陰所至
為高明焰為暎太陰所至為沈陰為白埃為晦暝少陽
所至為光顯為彤雲為暎陽明所至為烟埃為霜為勁
切為悽鳴太陽所至為剛固為堅芒為立令行之常也
厥陰所至為裏急少陰所至為瘍疹身熱太陰所至為
積飲否隔少陽所至為嘔嘔為瘡瘍陽明所至為浮虛

太陽所至為屈伸不利病之常也厥陰所至為支痛少
陰所至為驚惑惡寒戰慄譫妄太陰所至為稽滿少陽
所至為驚躁^{音茂}昧暴病陽明所至為^{莫結反}飶尻陰股膝髀
膕胫足病太陽所至為腰痛病之常也厥陰所至為^{莫結反}痲
戾少陰所至為悲妄衄^{莫結反}衄^{莫結反}為行勁太陰所至為
中滿霍亂吐下少陽所至為喉痺耳鳴嘔涌陽明所至
為脇痛^{音茂}皴揭太陽所至為寢汗瘕病之常也厥陰所至
為脇痛嘔泄少陰所至為語笑太陰所至為重肘腫少
陽所至為暴注^{音茂}暈^{音茂}暴死陽明所至為^{音茂}噎^{音茂}太陽所至
為流泄禁止病之常也凡此十二變者報德以德報化
以化報政以政執^{疑作報}令以令氣高則高氣下則下氣

後則後氣前則前氣中則中氣外則外位之常也故風
勝則動熱勝則腫燥勝則乾寒勝則浮濕勝則濡泄甚
則木閉肘腫隨氣所在以言其變耳帝曰願聞其用也
歧伯曰夫六氣之用各歸不勝而為化故太陰雨化施
於太陽太陽寒化施於少陰少陰熱化施於陽明陽明
燥化施於厥陰厥陰風化施於太陰各命其所在以徵
之也帝曰自得其位何如歧伯曰自得其位常化也帝
曰願聞所在也歧伯曰命其位而方月可知也帝曰六
位之氣盈虛何如歧伯曰大少異也大者之至徐而常
少者暴而亡帝曰天地之氣盈虛何如歧伯曰天氣不
足地氣隨之地氣不足天氣從之運居其中而常先也

惡所不勝歸所同和隨運歸從而生其病也故上勝則
天氣降而下下勝則地氣遷而上勝多少而差其分微
者小差甚者大差甚則位易氣交易則大變生而病作
矣大要曰甚紀五分微紀七分其差可見此之謂也帝
曰善論言熱無犯熱寒無犯寒余欲不遠寒不遠熱柰
何岐伯曰悉乎哉問也發表不遠熱攻裏不遠寒帝曰
不發不攻而犯寒犯熱何如岐伯曰寒熱內賊其病益
甚帝曰願聞無病者何如岐伯曰無者生之有者甚之
帝曰生者何如岐伯曰不遠熱則熱至不遠寒則寒至
寒至則堅否腹滿痛急下利之病生矣熱至則身熱吐
下霍亂癰疽瘡瘍脩音胃悶也鬱注下瞶癰腫脹嘔衄衄頭

痛骨節變肉痛血溢血泄淋悶之病生矣帝曰治之柰
何岐伯曰時必順之犯者治以勝也黃帝問曰婦人重
身毒之何如岐伯曰有故無殞亦無殞也帝曰願聞其
故何謂也岐伯曰大積大聚其可犯也衰其大半而止
過者死帝曰善鬱之甚者治之柰何岐伯曰木鬱達之
火鬱發之土鬱奪之金鬱泄之水鬱折之然調其氣過
者折之以其畏也所謂寫之帝曰假者何如岐伯曰有
假其氣則無禁也所謂主氣不足客氣勝也帝曰至哉
聖人之道天地大化運行之節臨御之紀陰陽之政寒
暑之令非夫子孰能通之請藏之靈蘭之室署曰六元
正紀非齋戒不敢示慎傳也

素問卷之十一

十一

黃帝內經素問卷之十一

